



BERG NUUS

DIE BERGKLUB VAN SUID-AFRIKA AFDELING TYGERBERG

POSBUS 4572
7536 TYGERBERG

April 2011

BERGkomitee

Die nuwe komitee is:

Voorsitster – Erna Kritzinger 919-3736, 083-598-4146
Die (uitgestorwe?) vroulike vorm word met opset gebruik, aangesien Erna die eerste vroulike voorsitster is in die geskiedenis van Afdeling Tygerberg.

Ondervoorsitter – Johan Botha
981-3860, 083-235-3355

Sekretaresse – Elza Geldenhuys
913-0090, 083-231-5156

Lid vir Stap – Charlie Buckle 913-5751

Lid vir Skakeling/Bergnuus – Ferdie Botha
913 2613, 083 797 1403

Tesourier – Hugo Kritzinger

BERGnuus

Fonteintjiesberg – 31 Desember – 2 Januarie

Vrydagmiddag vertrek 'n gedeelte van die groep stappers (Otto, Elza, Altus, Johann, Erica, Raymond & Carien) na Worcester waar ons die res van die groep (Danie, Liezel, Heinrich & Marietjie) by die Shell Garage ontmoet. Saam vertrek ons na die Faerie Glen Natuurreservaat se ontvangs waar daar eers ingeteken moet word voor die stap.

By die beginpunt word daar geskarrel om nog laaste noodsaaklikhede in te pak terwyl ander se sakke "geweeg" en te swaar bevind is. Die watrgat bied 'n welkome lafenis en waterbottels word volgemaak aangesien dit die laaste waterpunt is voor die hut. Vandaar word daar vlugtig gerus by die sitkamer en teetyd gehou by Fair View en Lemoendraai waarna die koue vir Marietjie beetpak en die uwe, Marietjie en Heinrich besluit om solank vooruit na die hut te stap. Soos ons die hut nader en hoër begin klim, raak die mis al dikker en voel dit of die hut net nie nader wil kom

nie. By die hut gekom word skoene afgepluk waarna elkeen na sy onderskeie stortplek toe gaan om te verfris en "mooi" te maak vir die aand.

Nadat die agterosse ook in die kraal is en almal klaar gestort het en weer mens is na die gejaagde stap van die middag, word seile gespan op die stoep buite en matrasse uitgedra waarna die interessantste eetgoed uitgehaal en stories vertel word. Die aand verloop goed verder en nadat Heinrich besluit het om 'n vuurtjie op te steek met die hout wat hy so swaar aan gedra het (hy en Marietjie bly immers net vir die een aand), verskuif 'n groepie van ons na die vuur om bietjie op te warm. Daar haal Marietjie 'n bottel kersies uit wat gepekel is in brandewyn. Dit het die gewenste effek gehad en onmiddelik word die groepie by die vuur 'n groep.

Die Saterdagoggend kondig Altus aan dat ons na die baken toe gaan stap. Die mis lê nog dik, maar nogtans besluit ons om die berg aan te pak ondanks Altus se bekommernis was dat ons kan verdwaal aangesien hy nie sy GPS kon opspoor nie. Soos ons die baken nader raak die mis al dikker en begin dit te blits [*klink meer of hulle binne-in 'n klein donderwolk was – Red*]. Ons besluit toe gesamentlik dit is maar nou tot daarnatoe met die stap en tyd om om te draai. Kwalik het ons omgedraai of dit begin sous. Nat- nat kom ons by die hut aan en hang die nat klere en sakke uit. Die dag spandeer ons verder maar in die hut waarna die wolke weer ooptrek in die agtermiddag en die son begin skyn. Nadat ons gaan "sundowners" drink het op die rand van die kloof met die pragtige uitsig oor die vallei, braai ons heerlik by die hut en smul aan die kersies wat Marietjie vir ons agtergelaat het.

Sondagoggend is die mis weer dik en besluit ons om net tot by die kloof se rand te stap en te kyk na die pragtige verskeidenheid van disas en ander veldblomme. Terug by die hut word middagete voorberei waarna 'n groep besluit om vooruit te stap om darem so 'n ietwat van 'n voorsprong te hê bo die ander. By die watrgat onder in die kloof word daar eers geswem en afgekoel voordat ons terugstap na die karre toe. Voorwaar 'n nuwe jaar met 'n verskil en beslis een om te onthou! Dankie Altus!

Sneeuberg berig deur

18 – 20 Feb 2011
Ferdie Botha

As jy dalk nie weet watter berg dit is nie, ry op die N7 verby Piketberg en oor die Piekenierskloofpas. Aan die anderkant, wanneer Citrusdal min of meer voor jou lê, kyk jy op na die horison reg agter die dorp – die hoogste piek wat tussen twee voorgrondberge deur sigbaar is, is dié van Sneeuberg, deel van die Suidelike Cedarberge. As mens van daardie piek af afkyk of eerder rondom jou kyk, voel dit of jy in 'n vliegtuig sit. Hy is HOOG!

Die spelling van die Cedarberg is reg so, terloops – dis behou uit die Nederlands, uit die ou ou dae van die VOC aan die Kaap, toe daar onder die skelms een genaamd Adriaan Nieuwoudt was. Hy is weens misdade verban tot in die Cedarberge en mog nie nader aan die Kaap gekom het as Tulbach nie. Vandag sal mens oplet dat baie van die sitrus- en ander plase tussen Citrusdal en Clanwilliam aan hierdie man se nasate behoort, en ons onthou ook 'n man van dieselfde naam uit ons tyd wat in Gharies gewoon het, met wrewel of meewarigheid, afhangende of mens in sy vrotmelkskema belê het of nie, destyds in die 80-gerjare.

Genoeg geskiedenis vireers, en terug na die Afdeling Tygerberg se naweekstap: Charlie Buckle was ons stapleier en Freda het hom gewillig bygestaan met moeilike, frustrerende reëlings met Kaapse Natuurbewaring vir die nodige permitte om die Cedarberg Wildernisgebied te betree, waarvoor ons almal natuurlik baie dankbaar is. Die groep van 11 lede en twee gaste, Fanie Bergh (ja, nogal regtig Bergh) en Riaan Louw, het so laatmiddag vroeg-aand op die afgesproke beginpunt bymekaargekom waar ons die nag onder die akkerboom langs die pad geslaap het. Dit is 'n klein tydelike padkamp met omtrent vier geel padmaakmasjiene, maar ons het heerlik gekuier die volmaan-aand, en slaaptyd geluister na die rustige stroompie, waarlangs ons die volgende dag kloof-op ingestap het.

Die instap was lekker in die voetheuwels se oggendkoelte en baie mooi, met genoeg plantegroei, juis nogal anders as mens se algemene idee van die Cedarberge wat meer om hulle klippe beroemd is. Dit was 'n rustige stap, verby Sneeuberghut waarin 'n ander groep reeds tuis was, en teen middag was ons in die omgewing van die Malteserkruis (middagete in dié se skaduwee) waar ons mettertyd 'n geskikte kampplek gekry het. Dis so 'n aangename plek met kooigoed (lekker sagte, dik gras, nie regte egte kooigoed nie, ek is maar 'n plantanalfabeet) dat ons dit wil onthou vir die toekoms, daarom die volgende ver-skoot rigting Oos, om jou te help oriënteer, foto natuurlik bo van Sneeuberg af geneem.




Foto kampplek. As jy op jou rekenaar na die foto kyk, kan jy teen 300 – 400% grootte probeer kyk of jy die tente kan sien!

Die namiddag was sonder beplande program, ons het tente staangemaak en sommer net lekker rondgesit en die vrede in die vlakte geniet. Nog 'n nag met bergstroompie-musiek as agtergrond en Sondagmore vroeg uit om die piek te bowe te kom. Charlie het marsorders gegee vir 7-uur, maar 'n deel van die groep het in redelike wanorde begin. Die uwe het 'tuisgebly' en gekyk hoe die lede die Sneeuberg tree vir tree onder hulle voete intrap. Dis aangrypend om te sien hoe klein die mens werklik is teen 'n berg, wat nie eens baie groot is soos wat berge voorkom nie: teen die tyd dat mense oor die nekkie wegraak, is hulle netmooi een pixel groot, en dan ook net sigbaar as hy/sy 'n wit hemp aanhet.

Daar in die nekkie is die skaars sneeuproteas nog mooi en gesond.



Foto sneeuprotea. Blomme dra laag op die plant.

Teen die rug op na die piek raak die rotsblokke al groter, en die laaste ent is dit behoorlik scramble, klouter en hande vat, op een plek reg langs 'n gapende afgrond, maar uiteindelik sukses! Die uitsigte is ver en wyd en blou. Die piek-ervaring kan mos met niks anders op aarde vergelyk nie...



Foto summiteers. Voor vlnr – Fanie gas1, Gerrit & Annelie, Freda & Charlie

Jasper in sy eie ry
Agter vlnr – Cornelius, Marike,
Erika, Johan en Riaan gas2.

Almal klim darem weer veilig af ook, en kom warmdag terug by die kampe, hap vinnig ietsie, slaan kamp af en begin die swetende terugtog. Teen 4-uur was almal terug by die 'padkamp' en dis tyd vir lekker swem in die stroom langs die padbrug. Dis mos nog 'n ervaring waarmee min ander dinge op 'n warm dag kan vergelyk. Jy KRY dit nie indie stad nie.

En so bly daar nog net die terugtog-van-geduld deur die vier Ry-Go'ue op die N7 oor tussen 'n heerlike bergnaweek, 'n kort slapie en Blou-maandag.

Die Mûhe wert, dankie Charlie en Freda ons waardeer julle!

Breekkrantz. 19 tot 21 Maart 2011 - Charlie Buckle

Wat 'n teenspoedige gebeurtenis! Om op te som: Die stap moes in Groot Winterhoek area plaasgevind het soos op die program aangedui, maar CapeNature wou ons nie toelaat nie – glo toe weens 'n veldbrand. Driekwart van die stappers kanselleer in die laaste week voor die stap.

Die Kritzingers wie se name nog op die lys oorgebly het, verslaap. Frans arriveer by 'n donker huis en verkas nadat hy die klokke gelui het, vas onder die indruk dat ons vir hom weggery het.

Tydens dag een beseer Erna haar kuitspier en kan nie verder stap nie.

Eksel self word siek op die laaste aand en moet die volgende dag met 'n grieplyf uitstap.

Gerrit se bus se wiel is eers pap en 'n olieklek ontstaan by die differensie by die agterwiele tydens die terugrit! Wag, laat ekdie storie meer volledig vertel.

Aanvanklik het ongeveer 15 mense bespreek. Die

toegelate groepgrootte in die area het 'n beperking van 8 en ek moes by die konvenor spesiale toestemming kry sodat almal kon saamgaan. Daarna het die kansellaries begin totdat daar, met my ingesluit, net 5 oor was wat wou gaan stap! Dit was Gerrit-, Erna- en Hugo almal Kritzingers, ek en Frans. Gerrit het aangebied dat ons met sy voertuig kon ry en die afspraak was 6:30vm by hulle huis. Ek was 5min. laat, maar die Kritte het verslaap. Die huis was donker en Frans was ook nêrens te vinde nie. Nadat die Kritte reggemaak het en na 'n gesoekery na Frans niks opgelewer het nie, het ons amper 2 ure later in die pad geval. Met die gewaggery kon ek darem 'n bietjie krieket kyk!

Ons staptog het eers middeldag vanaf Suurvlaakte begin. Vandaar is ons bergop en ek het vir hulle 'n dubbele sandsteenboog gaan wys. Vandaar het ons geloop in die rigting van Doc's rock, maar net voordat ons daar aangekom het, het Erna in 'n sloot getrap en haar kuitspier getrek. Arme Gerrit moes haar rugsak ook dra en sy het met 2 kieries aangesukkel tot by Doc's rock. Die volgende dag loop ons twee ander stappers raak, en hulle vertel ons dat dit eintlik Spock's rock is, vernoem na ene Dr. Spock (ek hoop my spelling is reg), 'n mediese dokter wat 'n boek geskryf het oor kinderopvoeding. Hierdie "Spock's rock" is 'n groot sandsteenrots met 'n oorhang skuiling wat min of meer op 'n vlaktetjie op 'n nek te ruste gekom het, seker in die dae van Noag. Te oordeel aan die Boesmantekeninge op die rots het prehistoriese mense lank voor ons al hierdie klip as 'n blyplek gebruik. Erna kon nie verder stap nie en ek, Gerrit en Hugo moes na water gaan soek. Ons is 'n hele ent af in die kloof en het nie net water nie, maar ook 'n lekker badplek ontdek. Met baie water terug by die kamp het ons 'n perfekte aand, met volmaan wat sy kop tussen die rotsformasies van die berge uitsteek, beleef. Die volgende dag is ons manne alleen verder op 'n "dagstap". Erna kon nie met haar besering verder stap nie en het boonop 'n vroue Keur saamgebring wat deurgelees moes word. Eers is Apexpiek met sy interessante rotsformasies en grotte bekyk, toe af na die vlakte onderkant die Breekkrants Twins. Die berg was maar droog en 'n soektog na water het gevolg. Water is laer af in die rivier gekry en middagete is net daar genuttig. Gerrit het my vertel van nog 'n sandsteenboog wat hy en Hugo en andere 'n klompie jare gelede op die Breekkrantsrug ontdek het. Ons het besluit om dit te gaan soek. Ons het dit baie moeg, en uiteindelik om 15h00 bereik. Twee en 'n halwe uur later was ons via die kloof met water terug by Spock's rock. Daardie aand het ek begin siek voel en het vroeg gaan lê.

Die laaste dag was dit reguit kar toe. Ek was griepig en Erna kon nie vinnig stap met haar besering nie. Daar aangekom word ons begroet met 'n pap wiel! Die wiel is omgeruil en na 'n lekker swem in die dam, het ons in die pad geval. Maar dit was nie die einde van die drama nie. Naby Ceres bemerk Gerrit dat daar olieklek op die agterruit verskyn. By nadere ondersoek op Ceres ontdek ons 'n olieklek by die differensie van die agterwiele. Gerrit het na konsultasie met sy broer besluit om verder te ry. Sy woorde was: "Olie is nes

bloed. Dit lyk erger as wat dit is!” Die huis is darem veilig gehaal.

[Later is verneem dat die veskillende bandgroottes op die agteras, na die wiel-omruiling, die oorsaak was van oorverhitting en die verwoesting van ’n baie duur onderdeel, voorwaar ’n teenspoedige naweek ! – Red]

Jonkershoek 12 Maart 2011

Die storie volg later – hier is solank ’n foto van Johann Benkenstein en die afgrond-omgewing wat daardie stap kenmerk:



BERGskinner

Ons Afdeling het op 2 April die jaarlikse dinee aangebied, met ’n reuse organisasie-inset deur Mariana Rabie. Baie dankie Mariana, ons weet jy het nog baie ander hooi op jou vurk! Bywoning was teleurstellend, maar die spreker en die ete was uit die boonste rakke. Die prys dalk ook...??

Don Wessels van Somerset Wes het vir ons vertel hoe hy, as blinde, Kilima Njaro baasgeraak het.

BERGsosiaal

BERGlede

Lede bedank:

Ludi Basson

Glaudina Butler

Evelyn Gates

Kobus Marais

Mariana Rabie

Yolanda vd Westhuizen

Frik van Manen

Brigitte Visagie

Ons wens julle voorspoed toe!

Nuwe lede

Terence Poultney

Rudolf Zietsman en sy vrou.

BAIE WELKOM, mag julle lekker inskakel by ons!

Forthcoming Attractions

22 - 25 Apr	Langstap	Swellendam
B4	200km & permit	Altus

021 913 1500 (nu) of
altus.dewet@capetown.gov.za

14 - 15 Mei	Naweek	Greyton - McGregor
A3	200km & permit	Charlie

021 9135751

Klubaand 15 April by Lombards, bring jou braaivleis en drinkgoed. Laat weet vir Sandra
021-9394846 of 0845496004

BERGdagboek

BERGbriewe

Komaan, srkyf dan bietjie na die Bergnuus – epos adres aan die einde gegee... Daardie sterk opinies wat jy so omkyk-omkyk loop en gee aan die mens agter jou in die voetpaadjie wat nie altyd juis luister nie – kry sy/haar volle aandag **hier**.

BERGpitkos

Ons gee maar al die nommers hier, want ons weet mos nie waar ons lede oral stap nie...

EMERGENCY NUMBERS FOR MCSA SEARCH AND RESCUE

Note that the numbers are listed in order of priority. The numbers in bold are the primary emergency numbers. Correct as of Feb 2011.

Western Cape (*Cape Town*)
Tel: **021 937 0300**

Convenor : 073 217 6351 - Rik de Dekker

Convenor: 082 675 0901 - Roy White

For Mountain Security / crime related incidents in the Cape: Call 086 110 6417

Hottentots Holland (*Somerset West*)
Tel: **021 937 0300**

Convenor: 072 904 6150 - Neal de Kock

South Cape (*Plettenberg Bay/Knysna/George*)

Convenor: **082 339 1240** – Drew Scott

Convenor: **082 323 4349** - Rogan Hindmarch

Tel: 10177 (Metro)

Eastern Province (*Port Elizabeth*)

Tel: **072 324 4985** (Vodacom)

Tel: **073 755 2250** (MTN)

Tel: 10177 (Metro)

Convenor: 072 142 0558 - Natalie van Loggerenberg

Kwazulu Natal (*Durban / Pietermaritzburg*)
Tel: **0800 005 133**

Convenor: 082 990 5876 - Gavin Raubenheimer

Gauteng (*Johannesburg / Pretoria*)
Tel: **074 125 1385**
Tel: **074 163 3952**

Convenor: 082 378 2032 - Sean Buchanan

Note the Gauteng team also covers the Free State, North West, Limpopo and Mpumalanga

Thanks and regards

Dean van der Merwe

MCSA Search and Rescue - Gauteng

083 274 1116

Bydraes

Enige nuus, menings en interessante inligting is baie welkom. Stuur bydraes in die taal van u keuse. / Any news, views and interesting information welcome. Submissions can be in the language of your choice. Please send contributions to Ferdie Botha at floutingpoint@gmail.com.

The items in this Newsletter are reported in the interest of the Tygerberg Section of the Mountain Club of South Africa. We strive for factual accuracy, but cannot be held liable

for any inaccuracies in the information reported.

The views expressed by the authors do not necessarily reflect those of the **MCSA**.

Articles, except reprints from other sources, may be reprinted or cited without permission, provided that the source, **Bergnuus, Tygerberg**, is acknowledged. / Die menings van die skrywers weerspieël nie noodwendig dié van die **BKSA** nie. Artikels, behalwe herdrukke uit ander bronne, mag sonder verlof herdruk of aangehaal word, mits die bron, **Bergnuus, Tygerberg**, erken word.

Word 'n Bergklublid en stap saam!

Explore – Discover – Connect – Protect

Verken – Ontdek – Outmoet – Bewaar

APPLICATION

MCSA NATIONAL MEET 2011

"Explore the Mountains of the Free State Basotho"

1. PERSONAL PARTICULARS:

Name and surname: _____

Postal address: _____

_____ Code: _____

E-mail address: _____

Telephone / Cell phone No: _____ Fax No: _____

I am a **member** of the _____ **Section** / not a member of the MCSA.
(delete where appropriate)

Medical conditions: _____

I am taking my own medication for this condition: _____

2. ACTIVITIES PREFERRED:

Day walks ☐ 2 or 3 day trips 4 or 5 day trip (up the escarpment)

3. PREFERRED DEGREE OF DIFFICULTY:

Easy ☐ Moderate ☐ Moderate to strenuous Strenuous (all escarpment)

4. INDEMNITY

I acknowledge that I will participate in all activities during the camp voluntarily and at own risk.

.....
Signature of applicant

.....
Date

5. PAYMENT:

Please return this form with your payment of **R270 before 4 March 2011** to the address below, or fax or e-mail it. Please **deposit** your payment into the following account: Bergklub van SA: Vrystaat Afdeling, ABSA Bank, Branch code 632 005, account No 470 312 432 and use "**Camp**" and **your surname** as **reference**.

- Please send **proof of payment** to fax no 086 620 1475 or e-mail to sheilaa@xsinet.co.za
Mail address: Mountain Club Camp, PO Box 12312, Brandhof, 9324